



HELPING OTHER PERSEVERE AND EXCEL POWERED BY FDDK

METANAN prinsipal di HOPE :

- 1. Duna kompanianan oportunitat di praktiká deporte komo ekipo i pa medio di esaki traha riba “teambuilding” i sera amistad nobo (“networking”)**
- 2. Krea fondo pa hasi donashon duradero den área di deporte**

HOPE 2025 ta keda repartí durante dos diferente divishon i lo hunga e weganan den dos diferente periodo :

- 1. HOPE 2025 KOMERSIAL kual weganan lo tuma lugá di 15 di mart te 20 di aprel 2025 (djasabra i djadumingu)**
- 2. HOPE 2025 NO-KOMERSIAL kual weganan lo hunga riba dianan 28 mart – 4/11/13/17/19/20/25/26 i 27 di aprel 2025**

**DEADLINE PA INSKRIBÍ I ENTREGÁ LISTA DI HUNGADÓ I PAGA
KONTRIBUSHON: 5 DI MART 2025**

REGLANAN HOPE KOMERSIAL 2025

1. Kategorianan HOPE KOMERSIAL :

A. SOSIAL MASKULINO ;

- máksimo di 2 kompania huntu**
- máksimo di 3 hungadó aktivo riba tereno**
- máksimo di 5 hungadó aktivo riba lista**

B. SOSIAL FEMENINO

- máksimo di 3 kompania huntu
- máksimo di 3 hungadó aktivo riba tereno
- máksimo di 5 hungadó aktivo riba lista

C. SOSIAL SPESIAL

- máksimo di 2 kompania huntu
- máksimo di 1 hungadó aktivo riba tereno
(otro hungadónan lo keda evaluá pa organisashon di HOPE si e por partisipá komo no-aktivo, hungadó femenino tambe por forma parti; e meta prinsipal di e kategoria aki ta pa duna empleadonan ku no ta masha aktivo den ningun sorto di torneo oportunitat pa praktiká deporte)
- máksimo di 2 hungadó aktivo riba lista.

D. COED

- máksimo di 2 kompania huntu
- máksimo di 3 hungadó aktivo riba tereno (máksimo di 1 hungadó maskulino aktivo riba tereno)
- máksimo di 5 hungadó aktivo riba lista

E. SOSIAL 40+

- máksimo di 2 kompania huntu
- hungadó maskulino 40+ no ta konsiderá komo aktivo mas

- Tur hungadó mester ta empleado di e kompanianan partisipante.
- E empleado mester tin 18 aña di edat pa e por partisipá den HOPE.
- Empleado riba lista mester ta den servisio di e kompania pa 1 di Mart 2025 i mester ta riba "payroll" di e kompania.
 - Penshonado ku a laborá na un kompania por bini na remarke.
 - Un persona ku ta empleado via di un kontratista no ta bini na remarke
 - Empleado ku ta registrá bou di "0 uren contract" mester keda demostrá dor di su departamento di Rekursu Humano ku e ta traha por lo ménos 20 ora pa siman.
 - Eksepsion ta posibel den deliberashon ku komishon di HOPE 2025.
- Un kompania por tin un máksimo di 1 "stagiair" i solamente 1 "uitzendkracht" riba su lista.
- Tur otro hungadó lo keda konsiderá komo hungadó ilegal.
- Partisipashon di hungadó :
 - Un hungadó no por partisipá ku mas ku un kompania
 - Un hungadó por partisipá pa un máksimo di 3 ekipo di su kompania
- Lista di hungadó mester kumpli ku e siguiente rekisitonan:
 - Nòmber, fam i fecha di nasementu
 - Indikashon aktivo òf edat 40+
 - Indikashon Stagiair / uitzendkracht/ "0 uur contract"
 - Mester hasi entrega di preferibel lista di SVB, pero ta aseptá tambe lista firmá dor di HR/direktor di kompania(nan)
- Tur lista mester ta yená conforme realidat. Si akaso sali na kla ku bo kompania a yena un lista no conforme realidat, bo ekipo lo ser deskualifiká for di Hope Softball Tournament 2025 i lo no por partisipá na Hope pa e próksimo aña.
- Un suplika ta bai na tur kompania ku ta 'JOIN' ku otro kompania pa forma un

ekipo pa notifiká nòmber di tur e kompanianan ku a 'JOIN' riba e formulario di inskripshon.

11. Deskripshon di hungadó aktivo : un hungadó ku ta aparesé riba lista di hungadó di un klup ku a forma parti di kampeonato/torneo 2024 di softball slowpich, softball fastpich, i beisbol FEBEKO {tantu lokal komo internashonal} ku a fildia i/o ku tin 'plate appearance' den e torneo òf kampeonato menshoná.
12. Hungadó di edat 40 òf mas i a kumpli 40 promé ku kuminsamentu di e torneo ta wòrdu konsiderá komo hungadó in-aktivo.
13. Mester hunga ku 10 hungadó riba tereno (mira Regla WBSC3, seksh, 2.2) Ta permití hunga ku "Bateadó Asigná, (BA), ku ta hunga ofensa so. Mester anunsiá e BA na kuminsamentu di wega. Den kaso ku uza un Bateadó Asigná **(BA)** 11 hungadó ta bati, inkluyendo picher, i 10 hungadó ta fildea. Tur hungadó ku kuminsá wega riba lain-op {hungadó habridó}, inkluso Bateadó Asigná, tin derechi di ri-ènter. Ta kuminsá wega ku 11 hungadó i mester terminá e wega ku 11 hungadó. No ta permití pa hunga ku Hungadó Designá (HD).
14. Tene na kuenta ku na momento ku alineá e máksimo di hungadó aktivo, e kambio lo ta di aktivo pa aktivo riba òrdu di bateo {riba lain-op/skor shit}. Ke men ku si tin e máksimo di hungadó aktivo den wega, bo par saka un aktivo hinka un in-aktivo na su lugá. Si bo tin e kantidat máksimo di hungadó aktivo den wega, bo no par saka un hungadó inaktivo i hinka un hungadó aktivo na su lugá. E regla no ta permití esaki, kontrali si por. Aktivo ku a wòrdu mandá tereno den e kambio mester baha bèk, i lo no par sigui partisipá den e partido konserniente ei mas (esaki no ta wòrdu kalifiká komo ekspulshon!). Dado kaso resultá ku un hungadó di e ekipo kontrinkante tòg ta aktivo, e klup ku kier protestá tin 2x24 ora pa protestá e wega aki.

15. REGLANAN ADISHONAL KATEGORIA MASKULINO & FEMENINO, KATEGORIA MIKSTO (COED)

- A. Den Kategoria COED por alineá un máksimo di 3 hungadó aktivo riba tereno i pone riba lista un máksimo di 5 hungadó aktivo. Por skohe pa e siguiente opshonnan:

Riba tereno:

- a. hungadó aktivo femenino;
- b. hungadó aktivo femenino i 1 hungadó aktivo maskulino

Riba lista:

- a. 5 hungadó aktiva femenino
- b. 4 hungadó aktivo femenino i 1 hungadó aktivo maskulino
- c. 3 hungad aktivo femenino i 2 hungado aktivo maskulino

- B. Den Kategoria COED mester hunga ku un total di 10 hungadó, 5 hungadó femenino i 5 hungadó maskulino.
- C. Uzo di Bateadó Asigná" (B.A.) no ta obligatorio, pero si uza Bateadó Asigná nan mester ta dos 1 BA femenino i 1 "BA" maskulino
- D. Den orden di batimentu mester alterná generonan (hungadónan femenino i maskulino ta bati saltá (om en om). No tin eksepsjon riba esaki.

- E. Si e tim kontrali duna un bateadó maskulino base por bola intenshonal òf di otro manera, ta resultá den konseshon di dos base. E siguiente bateadó femenino mester bati

EKSEPSHON: Ku dos out e bateadó femenino tin opshon pa skohe pa base por bola, òf pa bati.

- F. Kada ekipo mes mag skohe e posishon di su hungadónan riba tereno.

16. KLASIFIKASHON

A. KLASIFIKASHON GENERAL

Na momentu ku inskripshon sera, lo determiná kuantu ekipo tin den kada pul i tambe e sistema di klasifikashon. Tur ekipo lo wòrdu informá di e sistema aki.

B. KLASIFIKASHON DEN KASO DI EMPATE

Ta eksistí un empate, na momento ku dos òf mas ekipo tin e mesun resultado di wega ganá pèrdí. Pa solushoná e empate lo uza e siguiente sistema:

- a. Si tin dos ekipo empatá: ta klasifiká e ekipo ku a gana e wega hungá kontra otro den e torneo (regular), dús ta klasifiká e ekipo ganadó dilanti di e ekipo pèrdedó.
- b. Si tin mas ku dos ekipo empatá: ta klasifiká e ekipo ku a gana e wega hungá kontra otro den e torneo (regular), dús ta klasifiká e ekipo ganadó dilanti di e ekipo pèrdedó. Si e ekiponan ta sigui empatá, ta klasifiká e ekipo pa resultado di nan resultado di kareda kontra den e weganan ku e klupnan ei a hunga kontra otro den torneo regular. Ta klasifiká e ekipo ku menos kareda en kontra dilanti di e otro ekiponan. Si ainda empate ta persistí entre e ekiponan, ta klasifiká e ekiponan pa resultado di nan resultado di kareda en kontra den tur e weganan ku e ekiponan ei a hunga den e torneo regular. Ta klasifiká e ekipo ku menos kareda kontra dilanti di e otro ekiponan.
- c. Si te ainda e klupnan ta sigui empatá, lo disidí posishon dor di lòt. E klup ku gana lòt ta klasifiká dilanti di e otronan.

17. REGLANAN GENERAL DI WEGA

1. Picheo lo ta pone bala (slo) pa tur divishon. NO ta permití picha "boogbal". Umpayer ta deklará lansamentu ilegal.
2. No ta permití picher pa den lansamentu lora bala abou ni tira e bala intenshonalmente di tal forma malu pa e bateadó no par bati e lansamentu, esaki na apresiasion di pleit Umpayer. Umpayer lo duna un atvertensha. Si e akto kontinuá umpire lo deklará picher ilegal i e picher no por picha mas pa restu di wega.
3. Par habri na base na momentu ku e bala sali for di e picher su man riba riesgo propio pa e echo ku no tin robo. Si dado kaso e kècher tira primera i fildiadó tek koredó ku bala promé ku e koredó yega base, e koredó ta out. Si e kècher tira malu na base i e bala bai laga e fildeadó na base, bala ta muri mesora i koredónan na base no tin mag di kore {no mag di avansá un base}. NO tin robo i koredónan no por avansá base riba pasbol i/of wild pich.

4. Bateadó ku bati un foulbol na momentu ku e tin 2 strike ta outomátikamente out.
5. Ta estriktamente prohibí pa tira bate den ki forma ku ta. Tiramentu di bate den laira pa kua motibu ku ta, of tira bate intenshonalmente òf no, den direkshon di dugout, kontra waya di fèns of riba tereno di wega, NO TA PERMITÍ. Hungadó ku hasl su mes kulpabel na un di e aktonan aki lo wòrdu ekspulsá inmediatamente for di wega. Esaki na apresiasion di umpire.
6. Na kuminsamentu di kada wega lo tòs pa determiná e ekipo di kas i e ekipo bishitante. E resultado di e tòs no tin influensia riba eskoho di dug-out.
7. Ta permití tira 1 base por bola INTENSHONAL pa hungadó pa wega. Un hungadó no por risibí mas di 1 base por bola intenshonal den 1 wega
8. No ta hunga ku "Slash ni Toke". Bateadó ku slash tòg, lo ta outomátikamente out.
9. Tur ekipo mester ta na tereno i uniformá mei ora promé ku e ora stipulá pa e wega kuminsá. Mirando ku tin un tempu di solamente 15 minüt entre e weganan, e ekiponan mester usa e mei ora akl pa asina kalentá i por kuminsá e wega na ora.
10. Mester entregá Lain-òp shit 15 minüt promé ku e wega kuminsá. Riba lain-òp shit mester anotá:
 - a. Nòmber, fam, posishon i number di hungadónan alineá.
 - b. Nòmber, fam y number di hungadónan di reserva
 - c. Mester marka hungadónan aktivo i tambe e hungadónan ku ta 40 aña òf mas .

18. TEMPU DI WEGA

1. Tempu di wega ta kuminsá kore na momentu ku **Umpayer** subi tereno. Si umpire yama ekiponan i ekipo **A** entregá lain-òp promé i mester warda mas ku 5 minüt riba ekipo **B** i ekipo **B** tin suficiente hungadó, ekipo **B** ta haña 1 kareda kontra pa kada 5 minüt ku e lain-òp no wòrdu entregá dor di ekipo **B**. Esaki ta pa no perhudiká e ekipo **A** ku si ta kla na ora pa ku time limit.
2. Si un klup no ta kompleto na momento ku tempu di wega kuminsá kore, e lo haña 15 minüt pa kompletá. Despues di e tempu aki si ainda e ekipo no a kompletá, E ekipo ta bolbe haña 15 minüt mas pa kompletá, lo sanshoná e ekipo aki ku 1 kareda kontra pa kada 5 minüt ku ainda e ekipo no a sera. despues di 15 minüt pasa i ku ekipo no kompletá e wega lo wòrdu di forfait, e ekipo lo pèrdè e wega pa forfait i lo risibí 5 kareda kontra.
3. Ta hunga ku "Time-limit" di 1 ora i 15 minüt pa e ekiponan maskulino I Coed tantu un mínimo di 5 ining i un máksimo di 7 ining.

4. Ta hunga ku "Time Limit" di 1 ora i 15 mlnüt pa e ekiponan femenino. Ku un mínimo di 3 ining i un máksimo di 5 ining.

5. Den e wega Final e klupnan femenino lo hunga **5 ining kompleto i e** klupnan maskulino i COED lo hunga **7 ining kompleto**. (Nokout i blèkout ta keda vigente).

6. Si e wega ta empatá ora "Time-limit" yega, òf despues di 5 ining pa e ekiponan femenino, i 7 ining pa e ekiponan maskulino I COED lo apliká "Tie-break rule" mesora.

7. Regla di Nokout ta vigente. Esaki ta niflká ku si despues di 5 ining pa ekiponan maskulino, COED i 3 ining pa e ekiponan femenino tin un diferensha di 10 òf mas kareda e wega ta terminá outomátikamente.

8. Regla di "Blekout" ta vigente. Esaki ta nifiká ku si despues di 3 ining pa ekiponan maskulino, COED, i 2 ining pa e ekiponan femenino tin un diferensha di 15 òf mas kareda e wega ta terminá outomátikamente.

9. Regla di Hendikèp ta aplikabel. Un ekipo por kuminsá hunga ku 9 hungadó, pero na momento ku toka turno na bate na e di 10 hungadó, e ta bira outomátikamente OUT. Na momento ku e di 10 hungadó yega, i ta presente den dugout den unifòrm, e hungadó ei mester dreña wega mesora

10. Weganan ku a wòrdu suspendé lo keda hungá solamente si nan tin efekto riba klasifikashon.

19. UZO DI MATERIAL

1. No ta permití uso di Spaik di metal.

2. **No** ta permití usa bate "**Maton**", ni bate raspá ku no ta mira marka ni nòmber Batenan mester tin un SEYO di fábrica. Batenan trahá di e material **TITANIUM, CARBON GRAPHITE, ARAMID FIBER, S-GLASS** i otro asina yamá

20. PROTESTA RIBA HUNGADÓNAN INELEGIBEL

Na momento ku protesta kontra un hungadó inelegibel promé òf despues ku wega kuminsá, e wega lo wòrdu hungá bou di protesta. Ekiponan mester por prueba ku un karta di trabou (Werkgevers verklaring)

Por entregá protesta solamente si paga un bòrg delantá di f 200. Si gana e kaso ta risibí e sèn bèk. Si pèrdè e kaso ta pèrdè e bòrg tambe.

Hungadó ekspulsá for di wega lo keda di skòrs outomátikamente pa e próksimo wega di su klup, sperando un kastigu adekuá, imponé dor di Komishon Organisadó, basa riba gravedat di su komportashon.

21. IMPORTANTE PA SA

1. Riba tur situashon di wega ku no keda stipulá den e reglamentu aki, Komishon Organisadó huntu ku komishon di Umpayer lo tuma un desishon.
2. Den tur kaso den kua e reglamentu aki i/òf Komishon Organisadó no stipulá otro, ta hunga e weganen bou di regla di Official Rules of Softball

WBSC 2021-2025

3. Kada klup ta keda responsabel pa posibel aksidente ku lo por sosodé ku nan miembronan tantu riba tereno di wega komo pafó di tereno.
4. **Van Engelen Ballpark Foundation ni tampoko Komishon Organisadó no ta responsabel pa posibel daño òf kiebro na outo riba van Engelen Ballpark**

22. KUMPRA KONSUMO RIBA KUENTA

1. Ta pidi un bòrg di Ang. 500.-- delantá si e kompania ke kumpra riba cuenta.
2. Ta pidi pa manda via mail, ID, nòmber di e persona(nan) ku tin mag di tuma konsumo riba cuenta i esaki mester keda aprobá dor di direktor(finansiero)di e kompania.
3. **NO TA PERMITÍ PA KLUPNAN TRESE KONSUMO NA TERENO.** E klup ku faya ku e regla aki lo ser ekspulsá for di Torneo Hope 2025

Fair play ta di hopi importansia;